

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



საიამ ოჯახური ძალადობის წინააღმდეგ სარეკლამო რგოლების პრეზენტაცია გაიმართა

**22 ივნისს სასტუმრო “ვერე პალასში” გაიმართა ოჯახში
ძალადობის საკითხებზე მოზადებული სოციალური
სარეკლამო რგოლების და დოკუმენტური კლიპების
პრეზენტაცია. ღონისძიება ჩატარდა ამერიკის იურისტთა**

ასოციაციასთან და აშშსაერთაშორისო განვითარების სააგენტოსთან თანამშრომლობით.

საქართველოს ახალგაზრდა იურისტთა ასოციაციამ წარადგინა ორი სატელევიზიო კლიპი, სამი რადიო კლიპი და პუბლიკაციები: ღია ბარათები, სანიშნეები და პლაკატები. მასალა განმარტავს ოჯახური ძალადობის დანაშაულის სხვადასხვა ასპექტებს და შეიცავს საიას სამართლებრივი დახმარების ცხელი ხაზის ნომრებს. პუბლიკაციები მომზადდა საიას მიერ ჩატარებული ქალთა მიმართ ძალადობის პლაკატების კონკურსზე გამარჯვებული ნამუშევრების გამოყენებით.

ახალგაზრდა იურისტთა ასოციაცია ამ მასალას გამოიყენებს საზოგადოების ცნობიერების ამაღლების კამპანიების დროს, რათა საზოგადოებამ გააცნობიეროს, რომ ოჯახში ძალადობა დანაშაულია, აგრეთვე საჭიროების შემთხვევაში მიმართოს იურისტს რათა თავი დაიცვას ძალადობისგან.

2009 წლის ივლისის თვიდან სატელევიზიო კლიპები სხვადასხვა ტელევიზიების ეთერში დატრიალდება.

საია გეგმავს აგრეთვე საინფორმაციო ბუკლეტის გამოცემასაც, სადაც ნათლად იქნება ახსნილი თუ რა ქმედებები უნდა იქნეს გამხორციელებული თუ ადამიანი გახდა ოჯახური ძალადობის მსხვერპლი.